

Kabinet belum yakin cadangan pulihkan MAS

Astro Awani

16 Ogos 2019

Harits Asyraf Hasnan,

SEPANG: Kerajaan kini sedang mempertimbang beberapa tawaran dan kertas cadangan berkenaan pengambilalihan Malaysia Airlines Berhad (MAB).

Perdana Menteri, Tun Dr Mahathir Mohamad berkata Kabinet masih belum yakin sepenuhnya dengan cadangan yang dikemukakan.

“Kita sedang meneliti banyak kertas cadangan berkenaan bagaimana mereka ingin mengambil alih MAS termasuk proses untuk memulihkannya semula.

“Tapi hingga masa kini, kami (Kabinet) masih belum yakin, tapi kami akan mempertimbang segala kertas cadangan yang dikemukakan,” katanya pada sidang media di sini hari ini.

Sebelum ini, Pengasas Bersama Kumpulan AirAsia Bhd, Datuk Pahamin Ab Rajab dilaporkan mahu menyelamatkan MAS dengan cadangan pengambilalihan yang telah dikemukakan kepada Dr Mahathir.

Usaha Pahamin bersama lima usahawan yang namanya tidak didedahkan namanya itu dikatakan bukan atas asas komersial tetapi lebih kepada semangat cintakan negara.

Pahamin juga dikatakan komited tidak akan ada pembuangan pekerja sekiranya pengambilalihan itu terjadi.

© 2019 Astro Awani Network Sdn. Bhd.

(535275-D) All Rights Reserved.

Source: <http://www.astroawani.com/berita-malaysia/kabinet-belum-yakin-cadangan-pulihkan-mas-215148>